

V E N D I M

“Per caktim sekuestro pranë bankave”

Gjykata e Rrethit Gjyqsor Tiranë e përbërë nga :

GJYQTARE : MIMOZA KAJO- BRAHIMI

Asistuar prej sekretares Suzana Murataj, në Tiranë me 04.12.2014 mori në shqyrtim materialin procedues që i përket :

K Ë R K U E S : Prokuroria pranë Gjykatës së Rrethit Gjyqsor Tiranë përfaqshuar nga prokurori Endrit Bimi.

K U N D Ë R : Të dyshuarit R.N,i datëlindjes (.....), lindur dhe banues në (.....) rruga “(.....)”, Pallati Nr.(.....), nr.(.....) ne mungese.

A K U Z U A R P Ë R : Veprën penale të parashikuar nga neni 186/2 i Kodit Penal.

O B J E K T I : Vendosjen e sekuestros pranë bankave

B A Z A L I G J O R E : Nenet 210 i K.Pr.Penale.

Gjykata pasi shqyrtoi kerkesen e prokurorit qe kerkoi, caktim mase sigurimi pasuror vendosjen e sekuestros pranë bankave, mbasi shqyrtoi aktet e bisedoi çeshtjen,

V E R E N

Prokuroria e Rrethit Gjyqsor Tiranë, mbi bazën e materialit kallzues të dërguar Seksioni Për Krimin Ekonomik e Financiar, ka regjistruar procedimin penal, ne ngarkim te R.N, i dyshuar per kryerjen e vepres penale “Falsifikimi i dokumenteve”, parashikuar nga neni 186/2 i K.Penal.

Ky procedim është regjistruar pasi më 23.11.2014 rreth orës 20.00 në Drejtorinë e Policisë Qarkut Tiranë, Seksioni Për Krimin Ekonomik e Financiar, është paraqitur shtetësja E.O, e vitlindjes (.....) lindur në (.....) dhe banuese në (.....), rruga “(.....)”, shtëpi

private nr.(....), (.....), e cila ka bërë kallzim ndaj shtetasit R.N për veprën penale “Falsifikimi i dokumentave”, vepër penale e parashikuar nga neni 186 i K.Penal.

Konkretisht, kallzuesja tregon si më poshtë:

“Unë jetoj në njësinë bashkiake nr.(.....), rruga “(.....)”, shtëpi private nr.(....), dhe në pronësinë time kam një shtëpi banimi me numër pasurie (.....), zonë kadastrale(....), sipërfaqe toke truall 895 m2, nga kjo 147 m2 ndërtesa me kufizim pasurie (.....). Kjo pronë është trashëguar nga babai im, i cili nuk jeton më, TH.O. babai im TH.O ka pasë dy fëmijë, mua dhe motrën time e cila nuk jeton më T. TH.O. unë nuk jam martuar asnjëher dhe nuk kam fëmijë brenda apo jashtë martese. Kurse motra ime T. ka qënë e martuar me shtetasin S.K dhe nuk kanë patur fëmijë.

Në fillim të muajit nëntor të vitit 2014, kam aplikuar në ZRPP, Tiranë për rifreskimin e çertifikatës së pronësisë së objektit dhe truallit që ju thashë më sipër. Me dt.05.11.2014 ZRPP Tiranë, më kthen përgjigje me postë duke vënë në dispozicion Kartelën e Pasurisë së Paluajtshme për numrin e pasurisë time (.....), ku rezulton se prona ime është e regjistruar në emër të shoqërisë “Ana” sh.p.k, dhe jo vetëm aq por prona ime ishte lënë si garanci hipotekore në bankën Credins, për llogari të shoqërisë “Ana” sh.p.k për një vlerë prej 1.790.000 (një milion e shtatëqind e nëntëdhjetë mijë) euro.

Me dt.10.11.2014, kam aplikuar pranë ZRPP Tiranë për të marrë praktikën e kalimit të pronësisë nga unë tek shoqëria “Ana” sh.p.k, pasi unë jo vetëm që nuk kisha bërë asnjëher shitje të pronës time, por edhe nuk kisha dijeni për vjedhjen e pronës time.

Me dt.18.11.2014 kam marrë përgjigjen e ZRPP Tiranë e cila më ka vënë në dispozicion Kontratë Shitje Pasurie të Paluajtshme e dt.26.08.2013, para noterit Helian Zenelaj, me Nr.2199 Rep. dhe Nr.637/1 Kol., ku sipas kësaj kontrate unë i kam shitur pronën shtetasit R.N, i datëlindjes (.....), kontratë të cilën nuk e kam nënshkruar asnjëher dhe për të kam ardhë në dijeni këtë ditë që mora përgjigjen nga ZRPP Tiranë.

Po në këtë përgjigje ZRPP Tiranë më ka vënë në dispozicion Kontratë Sipërmarrje mes shoqërisë “Ana” sh.p.k dhe shtetasit R.N e dt.(.....) me Nr.2685 Rep, Nr.636/1 Kol. para noterit Shpresa Kurti si dhe kontratën e Shitjes së Pasurisë së Paluajtshme mes shtetasit R.N dhe shoqërisë “Ana” sh.p.k e dt.05.03.2014, me Nr.2359 Rep, Nr.763 Kol. para noterit Julian Zhelegu”.

Në këto kushte rezulton se shtetasi R.N pasi ka regjistruar në pronësi të tij pronën e kallzueses, ka realizuar një kontratë tjetër për shitjen e kësaj prone në favor të shoqërisë “ANA” shpk.

Gjykata cmon se referuar nenit 36/1 germa ‘b’ te K.Penal dhe nenit 274/2 te K.Pr.Penale ,të hollat e realizuara nga shitja e truallit duhet te konsiderohen si nje send qe eshte objekt i sekuestros preventive .

Gjithashtu nisur nga fakti që këto vlera monetare janë në një shumë të konsiderueshme ekzistojnë dyshime se ato mund të jenë depozituar në bankat e nivelit të dytë.

Në këto rrethana gjykata cmon se kërkesa e prokurorit për vendosjen e sekuestros Bankare ne llogaritë bankare te R.Ns në bankat e nivelit të dytë që operojnë në Republikën e Shqipërisë është një kërkesë e mbështetur në nenin 210 të K Pr Penale pasi ka arsye për të menduar se keto shuma mund të kenë lidhje me veprën penale të fallsifikimit që dyshohet se është kryer nga personi në hetim R.N.

Si konkluzion, caktimi nga Gjykata e mases se sigurimit pasuror ” Vendosjen e sekuestros pranë bankave te nivelit të dytë në Republikën e Shqipërisë për të gjitha llogaritë bankare që figurojnë në emër të shtetasit R.N” parashikuar nga neni 210 i K.Pr.Penale, cmohet si mase sigurimi e pershtatshme ne raport me rendesine e faktit dhe pasojat që mund të vijnë nga vepra penale.

PER KETO ARESYE

Gjykata, ne mbështetje te neneve 210 e 274 te K.Pr.Penale

V E N D O S I

-Vendosjen e sekuestros pranë bankave te nivelit të dytë në Republikën e Shqipërisë për të gjitha llogaritë bankare që figurojnë në emër të shtetasit R.N, i datëlindjes (.....) lindur dhe banues në Tiranë,

-Ngarkohet policia gjyqësore për ndjekjen dhe zbatimin e këtij vendimi.

-Kundër vendimit lejohet ankim nga personat e interesuar brenda 10 ditëve nga marrja dijeni në Gjykatën e Apelit Tiranë.

-U shpall sot me datë 04.12.2014.

S E K R E T A R E

G J Y Q T A R E

SUZANA MURATAJ

MIMOZA KAJO-BRAHIMI